

ጳውሎስ ቆላሲያሴ ኣሳሰ ፃፊ ዚታ ጊደ ቆፋ

ሃይሲ ኪታዚ ፃፊቲዳይ ቄሪ ኢሲያን ዲዛ ኤፊሶን ካታማፔ ኣርሼይ ሞኪዛ ባጋራ ዲዛ ቆላሲያሴ ካታማን ዲዛ ዋሳ ኬላሳ። ሂኖ ሄ ዋሳ ኬላዮ ኤሲዳይ ጳውሎሳ ጊደንታ ኣጊኮካ ኢዛ ኦሮሜ ካዋቲላ ጋርሳን ዲዛ ኢሲያን ዋና ካታማ ጊደዳ ኤፊሶንፔ ሚሺራቾ ቃላ ዮቲዛይታ ሄ ዩዲዳ ጊሽ ቆላሲያሴሰካ ኣላፊቲላ ዳሰ። ቆላሲያሴ ዋሳ ኬላን “ጾሳ ኤራናሴን ሙሌራ ኣቶቲላ ዴማናሰ ኢሲ ኢሲ ኣሲ ሁዔን ሁዔን ዋልቃማ ኣያናታሴን ጎዳታሰ ጎይናናሰ ኮሼሰ” ጊዛ ዋርዶ ኣሰታማሬቲ ዲዛይሳ ጳውሎስ ሲይዳሰ። ሄ ኣሰታማሬቲ ታማርሲዛ ሃራ ዮቲ “ኣሲ ወሪካ ቃፃራ ዋጋሰ ሃሬታናሰ ቤሴሰ፤ ካላ ሙሳ ዋጋን ሃራ ዋጋታካ ናጋናሰ ቤሴሰ” ጊደ ታማርሴቲሰ።

ጳውሎስ ሃ ኪታዛ ፃፊዳይ ቱሙ ጊደዳ ኣማኖ ቲሚርቲ ታማሪዲ ሄ ዋርዶ ኣሰታማሬታ ቲሚርቲዛ ዲጋናሳ። ኢዛ ማልቱታፔ ዋናቲዛይ “ዩሱሰ ኪርሰቶሲ ኩሜላ ኣቶቲላ ኢሜሰ፤ ሃንኮይቲ ኣማኒዛ ኣማኖይ ጊደኮ ዩሱሳፔ ሃሴቲሰ” ጊዛይሳ። ጾሲ ሃይሳ ኣላሜዛ ኪርሰቶሳን ሜዲዳሰ። ቃሴካ ጾሲ ሃ ኣላሜዛ ኪርሰቶሳ ባጋራ ባኮ ዛሪ ኤሃና። ሃይሲ ኣላሜዚ ኣታናይ ኪርሰቶሳ ዋዘናፔ ኣማኖን ፃላላ። ሄሳን ኤቂዲ ጳውሎስ ሃይሲ ዋልቃማ ቲሚርቲይ ኣማኒዛይታ ዴጾን ዋኒ ዳናሰ ኮሺዛኮን ቤሴሰ።

ሃይሳ ሃ ኪታዛ ጳውሎሳፔ ኤኪዲ ቆላሲያሴ ኣሳሰ ጋላናሰ ኪቲቲዳ ቲቂቆሳራ ኢሲፊ ዲዛይ ኣናሰሞሳ ጊደዳይሳ ኤርይ ማዲዛዛ። ጳውሎስ ሄ ኣናሰሞሳ ጌቲቲዛ ኣይሌዛ ጊሽ ፒልሞናሰ ሃራ ኪታ ፃፊዳሰ። ቆላሲያሴ ኪታ ጊደን ዲዛ ቆፋይ ኤፊሶን ኪታራ ኣዳፊ ጋይቲሰ። ናሞዳይካ ኢሲ ዋዴን ፃፊቲዳ። ኢሰታ ጊደን ዲዛ ጊታ ዲማቲላ ኤፊሶን ኪታን ጳውሎስ ኪርሰቶሳ ዋሳ ኬላ ሁዔ ኦሲዲ ሺሼሰ። ቃሴ ቆላሲያሴ ኪታን ኪርሰቶሳ ሜዲቲላ ኡባሰ ሁዔ ኦሲዲ ሺሼሰ። ሃይሳ ኢዚ ኦሲዲኣይ ጾሲ ሜዲዳ ኪታንቻታሰ ጎይኖይ ኤያቲላ ጊደዳይሳ ቤሳናሳ።

ሃ ማፃፋይ ኦይኪዳ ኩሜላ ቆፋ
 ጌሎሶ 1:1-8
 ኪርሰቶሳ ሃኖኔ ኢዛ ኦሶ 1:9-2:19
 ኪርሰቶሳን ዲዛ ኦራሳ ዴፆ 2:20-4:6
 ኩሻ ቆፋ 4:7-18

1 ያሳ ሸኔን ዩሱሰ ኪርሰቶሳን ኪቴቲዳ ጳውሎሳፔኔ ኑ ኢሻ ፃምቶሳፔ፣ 2 ቆላሲያሴን ዲዛ ኪርሰቶሳን ዲማቲዳይታሲኔ ኣማኔቲዳ ኢሻታሰ ኑ ኣዋ ያሳፌ ሳርቴሊኔ ኪያቴላ ኢንቴሰ ጊዶ።

ጋላታ ዋሳ

3 ኑ ኢንቴ ጊሽ ዋሲዛ ኡባ ጋላሰ ኑ ጎዳ ዩሱሰ ኪርሰቶሳ ኣዋ ያሳ ጋላቶስ። 4 ጋሶይካ ኢንቴሰ ዩሱሰ ኪርሰቶሳን ዲዛ ኣማኖኒኔ ኣማኒዛ ኣሳ ኢንቴ ወርሲ ሰቁዛይሳ ኑ ሲዩዳ ጊሻሳ። 5 ሄሲ ወሪካ ሃኒዳይ ሳሎን ኢንቴሰ ጊጌቲዳ ሃደታፔ ዴንዲዳይሳና። ሄሳ ሄ ሃደታ ጊሽ ሚሺራቾ ቃላ ኢንቴ ካሴቲዲ ሲዩዳታ። 6 ሄሲካ ሄ ኢንቴኮ ጋኪዴሰ። ሄሳ ሚሺራቾ ቃላ ኢንቴ ሲዮሳፔኔ ያሳ ኪያቴላ ቲማቴላ ኢንቴ ኤር ጋላሳፌ ሃ ሲሚን ኣላሜ ዩሾን ኢዚ ኦሊሽ ዲዛይሳ ማላ ኢንቴ ኣቻን ኣይፌ ኣይፊሽኔ ዲጨሽ ዴሰ። 7 ሄሳካ ሃዲ ኑ ጊሽ ጊዲዲ ኪርሰቶሳሰ ኣማኔቲዳ ኦሳንቻ ጊዲዳይሲኔ ኑናራ ኢሲፌ ኦሊዛኔ ሰቁዛ ኤጳፒራይ ኢንቴና ታማርሲዴሰ። ** 8 ቃሴካ ኢዚ ኢንቴናን ዲዛ ኣያና ሲቆቴላ ኑሰ ዮቲዴሰ።

9 ኑ ቃሴ ሄሳ ሲዮሳፔ ሃ ሲሚን ኢንቴ ያሳ ሸኔ ኤራቴላኒኔ ኣኩካን ኢንቴና ኩንሳና ማላ ኢንቴ ጊሽ ዋሳ ቃንፂቤኮ። 10 ሄሳሶካ ጎዳሰ ቤሲዛ ዴሰ ዳና ማላ ኢንቴ ኢዛ ፖሊ ኡፋይሳና ማላ ሎፆ ኦሶ ኡባን ኣይፌ ኢማና ማላኔ ያሴ ኤርን ዲጨ ዲጨ ባና ማላ ኑ ኢንቴሰ ዋሶስ። 11 ጎዳይ ባ ጊታ ዋልቃን ባ ሚኖቴላ ኡባ ኢንቴሰ ኢም፤ ወርሲካ ኢንቴ ዳንዳያና ማላኔ ኡፋይሳን ጊጌቲዳይታ ጊዳና ማላ ኢንቴና ኢዚ ማዶ። 12 ኣማኒዛይቲ ላቲዛሶ ፖፆ ካዋቴላ ላቲዛይታ ኑ ጊዳና ማላ ኑና ጋሊዳ ኑ ኣዋ ኢንቴ ጋላታናሳ። 13 ኢዚ ኑና ቆማን ሃራቴላፌ ኣሺዲ ጌዴ ባ ዶሲዛ ናዛ ካዋቴላን ኑና ፒንሲዴሰ። 14 ኑ ኢዛን ዋዜቲዲ ናጋራፔ ማራቲዴሰ። *

ኪርሰቶሲ ኡባፌ ቦላ

* 1:7 ኑ ጊሽ ኢሲ ኢሲ ጊሻ ማፃፋታን ኢንቴ ጊሽ ጌቲቲዴሰ። * 1:7 ቆላ 4:12፤ ፒላ 23 * 1:14 ኤፌ 1:7

15 ኪርሰቶሲ አይፌን ቤቶንታ ያሳሰ ቱሙ ሌሚሶ፤ ሜዴቴላ ኡባፌ ገታኔ ባይራ። 16 ሜዴቴላ ወሪ ኢዛን ሜዴቴዳሰ። ሳሎኒኔ ሳዓን ዲዛይቲ፣ አይፌን ቤቲዛይቲኔ ቤቶንታይታ ገዲንካ፣ ዋልቃማታ ገዲንካ፣ ሃሪዛይታ ገዲንካ ዋይኮ ሳዳቴላ ዲዛይቲ ሃኒዳይ ወሪካ ኢዛን ኢዛሰ ሜዴቴዳሰ። 17 ኢዚ ኡባፌ ካሴ ዳሰ። ወሪካ ኢሲ ቦላ ኦይኬቲ ሚኒዳይ ኢዛና። 18 ኢዚ ባ አሳቴላ ገዲዳ ዋሳ ኬላይሰ ሁዔ። ኡባሰ ቦላ ገዳና ማላ ኢዚ ሃይቁዳ አሳ ኡባፌ ኮይሮ ዳንዲዳሰ። * 19 ሄሲካ ሃኒዳይ ኩሚላ ያሳቴላይ ኢዛ ናዛን ዳዓና ማላ ያሳ አዋ ሹኔ ገዲዳ ገሻሳ። 20 ማሰቃሌ ቦላ ኢዛፔ ጉኪዳ ሱላን ሳርቴላ ሜዲዲ ቢታ ቦላ ገዲን ሳሎ ቦላ ዲዛይሳ ወርሲ ኢዛ ባጋራ ባናራ ማቃዪንሊዳሰ። *

21 ኢንቲ ኢታ አማሌ ጋሶን ካሴ ኢንቲ ያሳፌ ሻኬቲዲ ኢንቲ ኢንቲ ቆፋራ ኢዛሰ ዋርኬታኮሺን። 22 ሃዒ ቃሴ ኢንቲ ቦላ ባላይኔ ዋሶይ ባይንዳ ገሻታ ኦሊዲ ኢንቲና ባ ሲንላ ሺሻናሰ ኪርሰቶሳ አሾ ሃይቆ ባጋራ ያሲ ኢንቲና ባናራ ማቃዪንሊዳሰ። 23 ሄሲካ ሃናናይ ኢንቲ አማኖን ፃጺዲኔ ገገቲዲ ኢንቲ ኢንቲ አማኖን ኤኪዳ ሚሺራቾ ቃላፔ ቃዎንታ ሚኒ ኤቁኮና። ኢንቲሴኔ ሳሎ ጉፋንሉን ዲዛ ሜዴቴላሰ ሳባኬቲዳ ሚሺራቾ ቃላይ ሄሳ። ታ ጳወሎሲካ ሃይሳ ሃ ሚሺራቾ ቃላሰ ኦሳንቻ ገዳዲሰ።

ጳወሎሲ ዋሳ ኬላ ገሽ ኤኪዳ ዋዬ

24 ታ ኢንቲ ገሽ ዋዬ ቤይዳይሲ ሃዒካ ታና ኡፋይሴሰ። ኪርሰቶሲ ባ አሳቴላ፤ ሄሲካ ዋሳ ኬላ ገሽ ኢዚ ኤኪዳ ዋዬዛፔ ኤኪሺን ፓጩዳይ ዲኮ ታኒ ታ አሾን ኩንላና። † 25 ያሳ ቃላ ታ ኢንቲሰ ፓጩይ ባይንዳ ጋላና ማላ ታሰ ያሳፌ ኢሜቲዳ ሃዳራ ማላ ታ ዋሳ ኬላ ኦሳንቻ ገዳዲሰ። 26 ሃ ቃላይ ቤኒ ዋደፔኔ ካሴ ዬሌቴላፌ ገሚዲ ፀራ ገዲ ጋሞዒዳሰ። ሃዒ ገዲኮ አማኒዛይታሰ ኡባሰ ቆንጨዳሰ። 27 ያሲ ባ አሳሰ ቆንጨሳናሰ ኮይዳ ፀራይ ኢዛ ቦንቾ ዳራቴላይ አይዛቤ ገዲዳ ኢንቲ ገደን

* 1:18 ኤፌ 1:22-23 * 1:20 ኤፌ 2:16 † 1:24 ጳወሎሲ ሃይሳን “ኢዚ ኤኪዳ ዋዬዛፔ ኤኪሺን ፓጩዳይ ዲኮ ታኒ ታ አሾን ኩንላና” ጉሲ ናጋራ ማራና ዳንዳዩዛ ኪርሰቶሲ ኦሊዳ ኦሶፔ ኦቲዳይሲ ዳሰ ጉሲ ገደና፤ ሃይሳን ጳወሎሲ ገዛይሲ ኪርሰቶሲ አሳ ናጋራ ገሽ ማሰቃሌ ቦላ ካቁቲዳይሳፉ ቆዩዳ ሃ አላሚይሰ ሚሺራቾ ቃላ ዮቲሹ ኢዛ ዋዬዛ ሰካኬቲዛይሳ ቤሴሰ።

አይ ማላ ገታኮኔ ቤሳናሳ። ኢዚካ ኢዛ ቦንቾ ሂዶታ ገዲዳ ኢንቴ ገደን ዲዛ ኪርሰቶሳ።

28 ኑካ ኢሲ ኢሲ ኣሰ ኪርሰቶሳስ ኩሜላ ኣሰ ሃሰቲ ሺሻናሰ ዲንዲያና ማላ ኣሰ ወርሲ ሃላራ ዘሪሼኔ ታማርሲሼ ኪርሰቶሳ ገሽ ሳባኮሰ። 29 ታካ ታ ጋርሳን ሚንላ ኦሊዛ ኢዛ ዎልቃን ወርሳ ባዌታሼ ሄ ቆፋ ፖላናሰ ዳፊታይሰ።

2

1 ኢንቴ ገሺኔ ሎዶቂያን ዲዛይታኔ ሄሳሶካ ታና ባ አይፊራ ቤዪ ኤሮንታ ኣሳ ኡባሰ ታ አይ ማላ ባፀቲኮኔ ኢንቴ ኤራና ማላ ታ ኮያይሰ። 2 ቃሴካ ኢሰታ ዎዝናይ ሚናና ማላኔ ኢሰቲ ሰቆቱላን ኢሶይ ኢሳራ ኦይኬታና ማላ ኩሜላ ገዲዳይሳ ዩሺ ቆፒ ኤሮ ዲራቴላ ዳሚዲ ያሳ ፀራ ገዲዳ ኪርሰቶሳ ኢሰቲ ኤራና ማላ ታ ዳፊታይሰ። 3 ቆታን ዲዛ ጨንጫቴላኔ ኤራቴላ ሃሮይ ወሪካ ቤተዛይ ኪርሰቶሳ ኣቻና። 4 ኦኒካ ኢንቴና ዲና ማልዔሶን ባሌሶንታ ማላ ታ ኢንቴሰ ዮታይሰ። 5 ታ ኢንቴፊ ኣሾ አይፊን ሃካ ዲኮካ ኣያናን ኢንቴናራ ኢሲፊ ዳይሰ። ኢንቴ ዎጋራ ዲዛይሳኔ ኢንቴ ኪርሰቶሳ ሎዔላ ኣማኒዛይሳ ቤያዳ ታ ዳር ኡፋዬታይሰ።

ኪርሰቶሳን ቤተዛ ኩሜላ ዳዎ

6 ሄሳ ገሽ ኢንቴ ጎዳ ዬሱሰ ኪርሰቶሳ ኣማኒዳ ማላ ኢዛን ዳዒቲ። 7 ኢንቴ ኢዛን ቶኬቲዲኔ ኬፀቲዲ ኢንቴ ታማሪዳ ማላ ኣማኖን ሚኒ ዳር ቲርፓ ጋላታ ኢዛሰ ሺሺሺ ዲቲ።

8 ኪርሰቶሳን ፃጺዳዝ ገደንታ ኣሳ ዎጋኒኔ ጎዳይ ባይንዳ ሃ ኣላሜዛ ላፋ ዎጋን ኤቂዳ ኣሳ ኤራቴላኒኔ ጮ ማላ ባሌሶ ሃሳያን ኢንቴና ኦኒካ ዲያንታ ማላ ናጌቲቲ። 9 ጋሶይካ ኩሜላ ያሳቴላ ኢዛ ኣሳቴላን ዳሰ። 10 ኢንቴካ ሃሪዛይታሲኔ ጎዳታ ኡባሰ ሁዔ ገዲዳ ኪርሰቶሳን ኩሜላ ገዲቲ።

11 ኢንቴ ኢዛን ቃፃሪቲዳታ። ሄሲ ሄ ቃፃሪዚካ ናጋራ ገዲዳ ኣሾ ቆፋ ዲጋናሰ ኪርሰቶሳን ሃኒዳይሳ ኣቲን ኣሳ ኩሼን ሃኒቤና። 12 ዌንቃታን ኢዛራ ኢሲፊ ሞጌቲዳታ። ኢዛ ሃይቆፔ ዳንሊዳ ያሳ ዎልቃን ኣማኒዲ ቃሴካ ኢዛራ ኢሲፊ ዳንዲዳታ። * 13 ኢንቴ ካሴ ኢንቴ ሞርኒኔ ኢንቴ ኣሾ ናጋራ ሃኖቴላ ኢንቴፊ ዲሳንታ ኣገዳ ገሽ ሃይቂዳይታኮ ሺን ያሲ ኢንቴና ኪርሰቶሳ ባጋራ ፓሊዳሰ፤ ኢንቴ ናጋራካ ኡባ ኣቶ ገዳሰ። * 14 ካሴ ኦና ሞቲሼኔ

* 2:12 ኦር 6:4 * 2:13 ኤፌ 2:1-5

ኑናራ ኤቁቲሼ ዲዛ ሙሴ ዋጋን ኣጮ ሞቶስ ፃፊተዳይሳ ቁጩ ዲጊደስ። ማስቃሌ ቦላ ቶርጊዲ ኑ ቦላፊ ዲጊደስ። 15 ሃለቃታኔ ጎዳተዛይታ ጎዳቴሉ ኢስታፊ ዋሉ ኤኪዲኔ ማስቃሌ ቦላ ሃይቂዲ ዶኒ ዴንዲዲ ዲዔተዳይታ ቆንጨን ዩሺ ቤሲደስ።

16 ሄሳ ጊሽ ሙሳን ዋይኮ ኡሻን፣ ኢሲፊ ቦንቾን ዋይኮ ኣጊና ፃርኒኔ ሳሞባታ ጋላስ ቦንቾ ጊሽ ኢንቴ ቦላ ኦኒካ ፐርዶፎ። *

17 ሄይቲ ዉሪካ ቡሮ ያና ሃኖታስ ኤሾታ ጊዲሺን ዋና ኣሳቴላይ ጊዲኮ ከርሰቶሳ። 18 ቤሶንታ ኣሽኬቴሉኔ ኪታንቻታስ ጎይኖ ደሲዛ ኣሲ ኦኒካ ኢንቴና ቆጶዲ ሜላ ኣሾንታ ማላ ናጌቴቴ። ሄሳ ማላ ኣሲ ባ ቤዩዳ ኣጉሞስ ዋጋይ ባይንዳ ባና ናሺሼ ሃዳ ኣሾ ቆፋን ኩሚዲ ኦቶሪቴስ። 19 ሄሳ ማላ ኣሳስ ሁዔ ጊዲዳ ከርሰቶሳራ ኣይኮ ጋይቶቴሉካ ዳና። ኩሜላ ኣሳቴሉ ሻያኒኔ ኮልቼ ጋሉ ኦይሌሉ ዲቺዛ ሁዔይ ከርሰቶሳ። ዶሲ ከርሰቶሳ ኣሳቴሉ ኩሜላ ዲቺዛይ ሄሳ ማላና። *

ዋርዶ ቲሚርቴፊ ናጌቴቴ

20 ሃይሳ ሃ ኣላሜዛ ዋጋስ ኢንቴ ከርሰቶሳራ ሃይቂዳይታ ጊዲኮ ሂስቲን ሃዒ ኣዛስ ሄ ዋጋስ ሃራቴቲ? 21 ኦይኮፋ፣ ሳጫ ቤዮፓ፤ ቦቾፋ ጊዛይታ ማላ። 22 ሃይቲ ዉሪ ኣሳ ኣዛዘኒኔ ኣሳ ቲሚርቴን ዋጶዳ ዋጋታ ጊዲዳ ጊሽ ኦሌቴዳፔ ጉዬ ጮ ቆያናስ ዴቴስ። 23 ሃ ኣዛዘቲ ባርካ ባፔ ሜጲ ኤኪዳ ጎይኖ ቆፋይ ጮ ቤሶንታ ኣሽኬቴሉኔ ባ ኣሳቴሉ ናቂ ኦይላን ኢስታስ ቴሙ ኣጶ ኤራቴሉ ዲዛይታ ሚሳቴቴስ። ጊዶ ኣቲን ኣሾ ኣሞቴሉ ሺሺ ኦይኪዛ ዋልቃይ ኢስታስ ባዋ።

3

ጌሻቴላ ዲሳስ ማዲዛ ዋጋ

1 ሂስቲኮ ኢንቴ ከርሰቶሳራ ኢሲፊ ዴንዲዳይታ ጊዲኮ ከርሰቶሲ ዶሳ ኣቻን ኡቲዳሶን ፑዴን ዲዛ ሃኖቴላ ኮዩቴ። * 2 ኢንቴ ቆፋይ ፑዴ ቦላን ዲዛ ሚሻ ቦላ ጊዶ ኣቲን ሃ ቢታ ዮዖ ቦላ ጊዶፖ። 3 ጋሶይካ ኢንቴ ሃይቂዳይታኔ ኢንቴ ዴይይካ ከርሰቶሳራ ዶሳ ኣቻን ቆቴቴዴስ። 4 ኢንቴስ ዴዖ ጊዲዳ ከርሰቶሲ ቆንጨዛ ጋላስ ኢንቴካ ሄ ዋዴ ኢዛራ ኢሲፊ ቦንቾራ ቆንጨና።

* 2:16 ኦር 14:1-6 * 2:19 ኤፌ 4:16 * 3:1 ማዛ 110:1

5 ሄሳ ጊሽ አንቴስ ቢታ ቦላ ዲዛ አሞቴል ዲጊቴ። ሄይቲካ ላይማ፣ ቱናቴል፣ አሾ አሞ፣ ኢታ አሞቴሌኔ ኤቃስ ጎይኖ ማላ ጊዲዳ ጋጲጋጶ። 6 ሄይታንታ ጋሶን ያሳ ሃንቆይ ያሳስ አዛዜቶንታይታ ቦላ ያና። 7 አንቴካ ካሴ ዲዛ ዱሳን ሄ ሚሻታ ኦሌዳታ።

8 ሃሲ ጊዲኮ ሃንቆ፣ ዪሎ፣ ጫሼ፣ ዘጊርሲኔ ዬላሲዛ ሃሳያ ሄይታንታ ሚሳቲዛይታ ወርሲ ዲጊቴ። 9 ካሴ ጩጋ አሳቴል ኢዛ ኦሶራ ጋሊ አንቴፌ ቃሪ ዬጊዳ ጊሽ አንቴ አንቴ ጋርሳን ኢሶይ አሳራ ዋርዶ ሃሳዮፒቴ። * 10 ባና ሚጲዳይሳ ሚሳታና ማላ ኤራን ኦራዲዳ ኦራላ አሳቴል ማይዲዳታ። * 11 ሄን ጊሪኬ አስ ጊዲን ዋይኮ ዩሁዳ አስ ዋይኮ ቃፃሬቲዳይታ ዋይኮ ቃፃሬቶንታይታ ዋይኮ ታማሪዳይታኔ ታማርንታይታ ዋይኮ ማሬቶንታይታ ዋይኮ አይሌ ዋይኮ ጎቃ ጌቴቲዛ ዲማቴሌ ዳና። ኪርሰቶሲ ሄይታንታ ኡባሳ። ቃሴ ኡባንካ ዳስ። * 12 ሄሳ ጊሽ ዲማ ጊዲዲ ደሴቲዳይቶ፣ አንቴ ያሳስ ደሬቲዳይታ ጊዲዳ ማላ ሚሼቴሌኔ ኪያቴል፣ አሽኬቴል፣ ቦንቾኔ ዳንዲያ ማይዲቴ። * 13 አንቴ ኢሶይ አሳ ዳንዳዪቴ፣ አንቴፌ አሳዳይ አሳዳ ቦላ ሚሼቴኮ የዖይካ ኢዛ ቦላ ዲኮ ኢሶይ አሳስ አቶ አቶ ጌቴቲቴ። ጎዳይካ አንቴስ አቶ ጊዳ ማላ አንቴካ ሃራ አሳስ አቶ ጊቴ። * 14 ሄሳ ኡባ ቦላ ኡባ ኩሜላ ኢሲፌቴላን ሺሺ ቃቺዛ ሲቆ ማይዲቴ። 15 አንቴ ወሪካ ኢሲ አሾ ጊዲዲ ሳርቴላስ ያይጌቲዳ ኪርሰቶሳ ሳርቴሌ አንቴ ዋዝናን ካዎቶ። አንቴ ጋላቲዛይታ ጊዲቴ።

16 ኪርሰቶሳ ቃላይ አንቴናን ኩሜል ጊድ። አንቴ አንቴ ጋርሳን አጲ ኤራቴላን ታማሪቴኔ ዘሬቲቴ፤ ማዛሙሬኒኔ ሳባን አያና ዬላን ጋላታራ ጋሊ አንቴ ዋዝናራ ያሳስ ዬዲቴ። 17 ኢዛ ባጋራ ያሳ አሞስ ጋላታ ሺሺሺ ቃላን ጊዲን ዋይኮ ኦሶን አንቴ ኦሊዛይሳ ወርሲ ጎዳ ዬሱሳ ሱንላን ኦሊቴ።

አማኒዛ አሳይ ባሶ አሳ ካሌሊዛ ዋጋ

* 3:9 ኤፌ 4:22 * 3:10 ኤፌ 4:24፤ ማጲ 1:26 * 3:11 ታማሪዳይታኔ ታማርንታይታ ጊዛይሲ ካሴ ኮይሮ ጊሪኬ ቃላን ባርባሪያኔ ኣሲኩቴ ጉሲ ጊዲሻን ኢዛካ ዋራ ጊደፌ ዪዳ አሳታኔ ጊሪኬ ቃላ ኤርንታይታ ቤሴስ * 3:12 ኤፌ 4:2 * 3:13 ኤፌ 4:32

18 ማቼቶ! ጎዳ አቻን አንቴሰ ቤሲዛ ሚሽ ጊዲዳ ጊሽ አንቴ አዘናታሰ አዛዜቲቴ። * 19 አዘናቶ! አንቴ አንቴ ማቼታ ሲቂቴኔ አሰታሰ ሜንፄ አቶጊቴ። *

20 ናይቶ! አንቴ ጎዳ ኡፋይሳና ማላ አንቴ አንቴና ዬሊዳይታሰ ኡባ ሚሻን አዛዜቲቴ። * 21 አዋቶ! ናይቲ ሂደታ ቃንግንታ ማላ አንቴ ናይታ ሃንቁሶፍቴ። *

22 አይሌቶ! አሰ ኡፋይሳሲኔ ጮ አይፌሶን ቤታናሰ ጊደንታ ሱሬ ዋዝናፔ አንቴ ጎዳሰ ባቢቴ። ሃይሳ ቢታን ሃሪዛ ጎዳታሰካ ሃኖ ኡባን አዛዜቲቴ። * 23 አንቴ ኦሲዛ ሚሽ ወርሲ አሳሰ ጊደንታ ጎዳሰ ኦሲዛ ማላ ታይቢዲ ኩሜላ ዋዝናፔ ኦሲቴ።

24 አንቴ ጎዳ አቻፌ አንቴ ኦሶ ማላ ኤካናሰ ላታይ ዲዛይሳ አንቴ ኤሬታ። አንቴ ኦሲዛይ ጎዳ ዬሱሰ ከርሰቶሳሳ። 25 ቆሆ ኦሲዳይይ ባ ኦሲዳሪ ኩሼ ኤካና። አዛ አቻን ዲማ ማደይ ዴና። *

4

1 ጎዳቶ! አንቴሰ ሳሎን ጎዳይ ዲዛይሳ አንቴ ኤሪዛ ጊሽ አንቴሰ ኦሲዛይታሰ ቱማኒኔ ሱሬቴላን ኦሲቴ። *

ጉጆ ዘሪ

2 ቤጊዲ ጋላታራ ጋሊ ፓጩይ ባይንዳ ጾሳ ዋሲቴ። 3 ታ ኢዛ ጊሽ ቃሼቲዳ ከርሰቶሳ ፀራ አዋጃናሰ ዳንዳያና ማላ ጾሲ ኑሰ ቃላ ዮታናሰ ኦኔ ደያና ማላ ኑ ጊሺካ ዋሲቴ። 4 ቃሴካ ሃሳያናሰ ቤሲዛ ቃላ ቆንጩን ታ ሃሳያና ማላ ታሰ ዋሲቴ።

5 አማኖንታ አሳታራ አንቴሰ ዲዛ ሃኖቴላን አጾ ኤራቴላን ሰሜሬቲቴ። አንቴሰ ቤቲዳ ሎጾ ቃዳን ጎዴቲቴ። * 6 አሶሰ አሳሰ አንቴ ዛር ዋሰቲ አማናኮኔ አንቴ ኤራና ማላ አንቴ ሃሳያይ ማጻኔራ ካጺዳ ካላ ማላ ማልጾ ጊደ።

ወርሴላ ሳርካ

7 ቲቂቆሲ ታ ዲሳ ጊሽ ወርሲ አንቴሰ ዮታና። አዚ ዳር ደሴቲዳ አሻኔ ጎዳሰ ታናራ አሲፌ ኦሲዛ አማኔቲዳ ኦሳንቻ። *

8 ኑ ዲሳ ጊሽ አንቴ ኤራና ማላኔ አንቴ ዋዝና ሚንላና ማላ ታኒ

* 3:18 ኤፌ 5:22፤ 1ጴፀ 3:1 * 3:19 ኤፌ 5:25፤ 1ጴፀ 3:7 * 3:20 ኤፌ 6:1 * 3:21 ኤፌ 6:4 * 3:22 ኤፌ 6:5-8 * 3:25 ዛሬ 10:17፤ ኤፌ 6:9 * 4:1 ኤፌ 6:9 * 4:5 ኤፌ 5:16 * 4:7 ሃዋ 20:4፤ 2ፃዋ 4:12

ኢዛ እንገድገድ ከታዲሱ። 9 ኢዛ እንገድ ገጋ ጊዲዲ ኣማኔቲዳዴኔ ደሴቲዳዴ ጊዲዳ ኑ ኢሻ ኣናሰሞሳራ እንገድገድ ኤራይሰ። ኢሰቲካ ሃን ዲዛ ሃናዛ ወርሲ እንገድሰ ዮታና። * 10 ባርናባሳ ኣዋ ሚቼይ ና ማርቆሲኔ ታናራ ኢሲፌ ቃሹቲዳ ኣርጂሮኮሲ እንገድና ሳር ጌቴሰ። ማርቆሳ ጊሽ እንገድ ኣይ ኦፋናኮኔ ካሴ እንገድና ታ ቆፊሳ ዋሊዳ ማላ ኢዛ እንገድገድ ጋኪሺን ሞኪ ኤኪቴ። *

11 ኢዮሰጾሳ ጌቴቲዛ ኢያሶይካ እንገድና ሳር ጌሰ። ኣይሁዳ ኣሳ ጊደፌ ጾሳ ካዋቴላሰ ታናራ ኦሊዛይቲ ሃይታንታ ፃላ። ኢሰቲ ታና ሚንሉሊዳ።

12 እንገድ ባጋፌ ጊዲዳ ዩሱሰ ኪርሰቶሳ ኦሳንቻ ኤጳፒራይ እንገድና ሳር ጌሰ። ኢዛካ እንገድና ኣያና ዲሳን ሎዔሊ ሚኒዲኔ ሙሌራ ዋፑ ጊዲ ጾሳ ሸኔን ሚኒ ኤቃና ማላ ኡባ ዋዴ እንገድ ጊሽ ዋሳን ባፃቴሰ። * 13 ቃሴካ እንገድ ጊሽ ሃሳፉካ ሎዶቂያኒኔ ኢያርፖሊሴ ካታማን ዲዛይታሰ ኢዛ ፓጩይ ባይንዳ ኦሊዛይሳ ታ ኢዛሰ ማርካታይሰ።

14 ዳር ደሴቲዳ ኣኪሜ ሉቃሲኔ ዳማሲ እንገድና ሳር ጌቴሰ። * 15 ሎዶቂያን ዲዛ ኑ ኢሻታሰ፣ ኒሞፑሲኔ ኢዛ ኬላን ሸቂዛ ኣማኒዛ ኣሳታሰ ታ ሳርካ ዮቲቴ። * 16 ሃና ታ ኪታያ እንገድሰ ናባቤቲዳ ማላ ቃሴካ ሎዶቂያን ዲዛ ዋሳ ኬላይን ናባቤታና ማላ ኦሊቴ። እንገድካ ቃሴ ሎዶቂያፕ እንገድሰ ከቴቲዳ ኪታ ናባቢቴ። 17 ኣኪሪጳሰ “ኔኒ ጎዳፕ ኤኪዳ ኦሶዛ ወርሴላ ጋፋናሰ ሚና” ጊቴ። *

18 ሃይሳ ሳርካ ታኒ ጳወሎሲ ታ ኩሹራ ፃፋዲሰ። ታ ቃሹታ ዲዛይሳ ደጎፕቴ። ጾሳ ኪያቴሊ እንገድናራ ጊደ።

* 4:9 ፒላ 10-12 * 4:10 ሃዋ 12:12፣25፤ 13:13፤ 15:37-39፤ 19:29፤ 27:2፤ ፒላ 24 * 4:12 ቆላ 1:7፤ ፒላ 23 * 4:14 2፻፵ 4:10-11፤ ፒላ 24 * 4:15 ኒሞፑሲኔ ኢዛ ኬላን ዲዛሪሰ። ኢሲ ኢሲ ቢርሼላ ማፃፋቲ ኒሞፑሲኔ ኢዛ ኬላን ሸቂዛ ኣማኒዛ ኣሳታ ጌቴሰ * 4:17 ፒላ 2

ኦሪሳ ጩቆ ማግኔ ጋሞላ

New Testament in Gamo (ET:gmv:Gamo)

copyright © 2011 Wycliffe Bible Translators, Inc.

Language: Gamo

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gamo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 11 Nov 2022 from source
files dated 29 Jan 2022
dffa0cbb-5f77-5875-bf95-f4176677af45